



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

3. Vnde sit causa pr[a]emiorum nostrorum operum, si Deus gratis omnia confert.

urn:nbn:de:hbz:466:1-29452

tia, id est, cessatio à peccatis lege prohibitis, & ab alijs peccatis, quibus natura nostra est oppressa: & si ab illis cessare non possumus in hac vita, studendum tamen est, ne regnent, Roman. 6. & quotidie orandum, ut dimittantur nobis debita nostra, Matt. 6. Deinde exigitur Fides, id est, vera cordis fiducia & optatio, ut Deus pater exhibeat ex misericordia beneficia Christi, & non dubitare quin ita accipiat, ut credit certissimè sibi contingi. Nam Fides apprehendit Christum, quæ etiam illi communicat bona Christi. Sic iubet Christus prædicari in nomine eius pœnitentiam & remissionem peccatorum, Lucae vltimo. Et Marci 1. inquit: Pœnitentia, & credite Euangelio. Et sic Christus causa est iustificationis: Pœnitentia & fides sunt media, per quæ accipio & apprehendo, & particeps efficior in Sacramentis bonorum Christi: & ne dubitem de hoc, ipsa Sacraenta, sigilla & testes sunt, atque me certificant. Particula igitur, Gratis, non excludit Fidem & pœnitentiam præcedentem iustificationem, neq; sequentem iustificationem legis obedientiam: immò hęc maximè exiguntur, tūm ad acciendam, tūm ad retinendam iustificationē: sed causam beneficij, id est, iustificationis & salutis adimit nostrę dignitati operum, & transfert in Christum: & hoc ideo, vt beneficium sit certum, Roman. 4. Illam enim certitudinem ademit nostris operibus Christus, quando dixit Luce 17. Quando omnia feceritis, dicite, quia servi inutiles sumus. Ideo non possumus nobis statuere certitudinem ex nostris operibus, sed in Christo est promissio iustificationis firma, & hanc doctrinam maximè defendit Apostolus ad Rom. & Galatas contra ludęos, qui iustitiam tribuebant operibus legis.

Nullumne ergo est præmium nostrorum operum, quia Deus gratis iustificat & saluat? Respōdeo, maximè est præmium operum nostrorum, & in hac

& post hanc vitā, spiritualiter & corporaliter: nam Cor 3. dicit Apostolus: Vnusquisque mercedem accedit secundum suum laborem, Matth. 5. 16. & Ioan. 5. Sed hoc præmiū est ex promissione gratuita Dei propter fidem in Christū. Deus enim quia promisit compensationem operum nostrorum gloria æterna: ideo est præmium, & hæc promissio præmij non oritur ab operibus nostris operatis, sed à benigna & liberali voluntate & pietate Dei: nam operibus nostris ex debito Deus nihil debet, Luc. 17. Ideò etsi pro operibus promittit & donat vitam æternam & præmiū, tamen hoc est misericordia & gratia, non debitū: nemo ergo ad opera respicit, sed in Dei promissionem. Etsi ab initio docuit Ecclesia, quoniam opera nostra sunt meritoria gloriæ ex gratia, promissione, & pacto. Tolle gratiam ab operibus, & nullum erit præmium: tolle filiationem à filio, & nihil ad eum pertinet hæreditatis: Et quid est esse meritorium ex gratia, nisi hoc esse ex misericordia & fauore meritorium, non ex debito? Semper igitur manet misericordia Dei: & quoniam Deus gratuita sua voluntate vult nobis hoc esse meritorium, ideo particula, Gratia semper manet, & semper nostris operibus admittit causam meriti, & transfert in Christum. Nam gratia vel donum Dei est vita æterna, Roman. 6. Nihil haec tenus ademptum est de gloria gratiæ, de meritis mortis Christi: nam promissio præmij, oritur à Dei pietate, & non ab operibus nostris operatis, ut dictum est. Si Ecclesia crederet & doceret, quod opera nostra essent causa remissionis peccatorum & salutis, tunc Christus gratis venisset, Galat. 2. & hoc derogaret passioni illius, essetque apostasia à fide & scriptura, quæ vbique docet, quod propter nomen IESV eiusq; mortem, accipimus remissionem & salutem, Actor. 10. Sed quoniam docet, quod Christus est vetusta & causa salutis totius mundi, & quod illius beneficia

neſcia nobis exhibentur per pœnitentiam & fidem, & retinentur per obedientiam legis, non propter illa noſtra media, quanuis necessariò exigantur, ſed propter ſuam bonitatem & misericordiam, hæc omnia nobis contingere; ideò nullum eſt conſcientiæ periculum, & liberatur Eccleſia à conuicijs & calumnijs aduersariorum. Quod verò Christus promiferit ope-ribus ex gratia ſalutem & præmia multa, patet Mat- thei 19. Luc. 18. ybi Petrus querit, quid meruerit ope-ribus ſuis &c. Et i. Tim. 4. inquit Apoſtolum: Pietas ad omnia utilis eſt. Lege ſuprà cap. 10. de bonis operib⁹. Plurimū ergo ſunt diſtinguenda opera Christi, que ipſe fecit: ſcilicet, natus, tentatus, iejunauit, orauit, prædicauit, paſſus, reſurrexit, celos ascendiſt, &c. ab operibus noſtris, iejunio, oratione, vigilia, obſerua-tia præceptorum, ac cæremoniarum &c. priora ope-ra fecit filius Dei, noſtra facit ſolūm homo; illa vi-ſunt mortem, peccatum, & Sathanam: non autem noſtra hoc faciunt, eo quod ſunt imperfcta & fiunt carne impura.

CAP. XXXV.

ARGUMENTA.

1. *Quis hominum viuat in Christo.*
2. *Quomodo Deus ac Christus habitat & viuit in nobis.*
3. *Qui viuunt in Sathanā, & in quibus ille vi-uit.*

A Postolus inquit Gal. 2. Quod nun̄ vi-uo in carne, parum eſt, & non multū curandum: ſed quod in fide filij Dei vi-uo, qui dilexit me, & tradidit ſeipſum pro me, hoc ſalutare eſt. Viuere ergo in Chirſto, hoc eſt credere, illum eſſe ſuam iuſtitiam, fa-piētiam & ſanctitatem, ac redemptorem coram Deo.

I. 5 patre,